

Coincidindo co período inicial do curso, e unha vez efectuada a matrícula, a normativa académica das ensinanzas profesionais, posibilita:

- 1. A validación académica** de algúns módulos formativos, en base a ensinanzas cursadas previamente, onde se supoñen adquiridas as competencias correspondentes a eses módulos.
- 2.. A exención de cursar** algúns módulos formativos (incluído o de prácticas en empresa) en base a experiencia profesional acreditable, onde se supoñen adquiridas as competencias correspondentes a eses módulos.

É moi importante sinalar que, en ambos casos, o alumnado pendente de validación ou exención, deberá asistir ás clases ata que chegue a resolución favorable ou desfavorable a solicitude. Se esta chegase con posterioridade a un procedemento avaliador, modificaríase a documentación administrativa existente.

A referida normativa, que regula este procedemento é a seguinte:

ORDE ECI/3058/2004 de las convalidaciones de módulos de los ciclos formativos de AA.PP.D.
RD 596/2007 de la ordenación general de las enseñanzas profesionales de AAPPD
ORDE do 1-12-2008 organización, avaliación e acreditación académica das EEPAPD en Galicia.
GUIA del 17-11-2014 sobre o procedemento de convalidacións de AAPPD

Aos efectos prácticos do alumnado, para poder avaliar o seu interese e posibilidades de obter a validación dun módulo ou a exención para cursar este, as tres posibilidades principais que se poden presentar son as seguintes:

1. No caso da VALIDACIÓN académica MÓDULOS existen tres posibilidades:

1.1 Validacións outorgadas directamente pola DIRECCIÓN

MÓDULO de FOL (con respecto a outro módulo superado de FOL). Sempre que sexa de AA.PP.D. (de nivel inferior, igual ou superior)

MÓDULOS incluídos na ORDE ECI/3058/2004. Cando estea incluído no listado reflectido na orde.

Neste caso, o alumnado presenta solicitude no centro (modelo do ANEXO III, que se facilita na administración), dirixido a dirección, acompañada dunha certificación académica oficial. **Este trámite non ten datas fixadas, e pode formalizarse en calquera momento do curso, antes da avaliación final.**

1.2 Validacións outorgadas polo MINISTERIO DE EDUCACIÓN

MÓDULOS incluídos nas ENSINANZAS MÍNIMAS da titulación (con respecto a calquera outra formación superada)

O Ministerio (Servicio de AA.PP.D.) resolve favorablemente, ou non, segundo o seu criterio e as disposicións particulares do correspondente RD.

Neste caso, o alumnado presenta solicitude directamente na web do Ministerio de Educación. A mediados do mes de setembro acostuma a estar xa aberta a SEDE do Ministerio de Educación e Formación Profesional para desenvolver o Procedemento de validacións de módulos. O enlace para poder acceder a este procedemento é: <https://www.educacionfpydeportes.gob.es/servicios-al-ciudadano/catalogo/general/05/050120/ficha.html>

Pódese realizar consulta electrónica ao Ministerio de Educación, Formación Profesional e Deportes no enderezo de correo: <https://sede.educacion.gob.es/sede/login/inicio.jjsp?idConvocatoria=404>

1.3 Validacións outorgadas pola CONSELLERÍA DE EDUCACIÓN

MÓDULOS non incluídos nas ENSINANZAS MÍNIMAS da titulación (con respecto a calquera outra formación superada)

A Dirección do centro emite informe ao respecto, e a Consellería resolve favorablemente, ou non, segundo o seu criterio e as disposicións normativas correspondentes.

Neste caso, para efectuar a solicitude, deberá cubrirse dixitalmente o ANEXO III e enviarse a acceso2425@escoladeartelugo.com xunto con a seguinte documentación tamén en formato dixital:

- Certificación de matrícula nos módulos para as que solicita a validación.
- Certificación de ter superada/s disciplina/s, materia/s ou módulos alegadas para a validación.
- Programa/s oficiais das disciplinas/módulos alegados para a validación ou aquela documentación acreditativa necesaria para o devandito recoñecemento.

Este trámite debería de realizarse dentro das datas existentes para o procedemento equivalente do Ministerio de Educación.

2. No caso da EXENCIÓN de cursado de MÓDULOS por experiencia laboral MÓDULOS / PEET:

Algúns módulos formativos (incluídas as prácticas en empresa) poden ser obxecto de CORRESPONDENCIA, sempre que así o dispoñan os decretos do currículo correspondente. O procedemento pasa por un informe realizado polo TITOR, e, en base ao mesmo, a resolución dunha comisión formada pola dirección, titor e profesor do módulo. Salvo no caso das PEET, esta comisión desenvolverá unha proba para evidenciar a competencia profesional correspondente.

A maiores das prácticas en empresa, que poden ser obxecto de exención por experiencia laboral, en todos os ciclos formativos impartidos no centro, estes poden ser os módulos formativos que tamén poden ser obxecto de exención:

SERIGRAFÍA ARTÍSTICA: Talleres, FOL

GRAVADO E TÉCNICAS DE ESTAMPACIÓN. Fotomecánica, Taller de técnica serigráfica, FOL

FOTOGRAFÍA. Medios informáticos, Técnica fotográfica, Linguaxe e tecnoloxía audiovisual, FOL.

CERÁMICA ARTÍSTICA. Taller cerámico, FOL.

Neste caso, o alumnado presenta solicitude no centro (modelo do ANEXO IV, que se facilita na administración), dirixido a Dirección, acompañada da documentación acreditativa. **Este trámite debería de realizarse dentro dos PRIMEIROS QUINCE DÍAS do comezo do ciclo formativo.**

Para calquera outra información ou resolución de dúbidas pódese acudir a administración do centro.